

DEO OPT. MAX. VNI ET TRINO, VIRGINI DEIPARÆ, ET SANCTO LVÆ ORTHODOXORVM MEDICORVM PATRONO.

# QVÆSTIO MEDICA

## CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XXVII MARTII

M. ANTONIO MORAND Doctore Medico, Moderatore.

*An somnus visceribus vigiliâ incundior?*

1097.

**Q**VI Cœlum ad volubilitatem rotundavit, cum hac indole & hoc condimento res effecit ut nihil esse voluerit in opere naturæ cuius aliquæ vices desiderarentur; hinc persuasum alternatim cessare arua, & hoc si patiantur ruris sparia, fructuosum. Hinc labor qui optimos quosque citat, ad quietem eisdem reuocat, unde manat multiplex varietas & commutatio ad actionis suauitatem; proptereaque somnus qui per fugium est omnium laborum & sollicitudinum communi ex præscripto, affecta vigilijs corpora recreat, qui per eum mens & corpus bene placideque conquiescant.

**S**OMNVS circumscribitur cessatio sensus principis & communis exterorumque sensuum ad salutem animalium; quemadmodum vigilia decernitur quoties ipse ille liber est & solutus, adeo ut parata & prompta sit ex templo virtus animalis quæ induat imposita munia: & ne lateat in occulto verum, alternis omnia quæ vigilant dormiunt, extremis vicissim vnâ in eodemq; loco conclusis; tantumque fructum vtilitatis præbent dissociata ista, ut his perfectissimorum animalium vita contineatur: proindeque exultatum abeat qui Libycam gentem Atlantes, seu Neptunijs in Ægis degentes nullo premi somno fabulantur, nec tutius illi cautiusque agunt qui plantas vinculisque coercitos fetus tenellulos consopiri, proferunt in solem.

**E**FFINGATVR somnus mortis exemplar atque speculum, vita ipsa vigilia sit breuissimi quantumvis temporis, turpiter & nequiter faciat qui semisomnis iacet, vel dum media dies coquente desuper sole feruet ardentius, & hoc sit pluribus antelucanum; nec ante multi diducant oculos hesternâ graues crapulâ quam appetere nox cœperit ut miserrima miseria nefandoque scelere officia lucis noctisque peruertantur, tenebris noctium dimidiâ parti vitæ cuiusque gaudia auferentibus; quia tamen ea quæ sentiunt aluntur necessario, & vis quæ nutrit gnauius munus suum obit expeditiusque opus exercet nobis consopitis quam vigilantibus, somnus cui salutem debemus omnem primario loco sit & sedet in puppi non renuimus.

**S**APIVNT illi pleno pectore qui corporis opes in visceribus condunt, omnemque propterea curam & diligentiam in ijs partibus tuendis conseruandisque adhibent, quod omnes assequuntur facile, quieti quoties corpus datur, tunc enim sopore placantur artus languidi, virtusque naturalis viuacior, in momenta vegetiorem acrioremque se præbet, ut agendo magis quam desidendo reficiatur ignis adinstar, sicque perficitur coctio intus & in ambitu, alimentumque corporis substantiæ nostræ quodammodo simile, quia iucundum & dulce, in eam tandem facessit atque conuertitur quam tum alit, tum auget, ea tamen lege uti per id temporis quoniam suscitatur suavis, corpulentus & copiosus vapor in cerebrum, sensus princeps indicibus oculis, possit oblagari.

**Q**VAMVIS efus & potus ita sint de naturæ sortibus ut in ijs plurima somni paratura sit, non propterea funditus aut contumaciter repudium renuntiabitur longiori vigiliz, labori, defatigationi, deurenti frigori, æstui, balneo, leni aquarum sulfureo, tenebris, curis grauioribus, lectioni quæ tædio sit, amœniori sono vel minus eleganti, silentio, repressæ cogitationi, solitudini, edicunt enim etiam ista cessationem motus & sensus, non tamen omnifariam, ut sicuti vigiliz non consentit cum irrequieto motu, intentoque sensu, sed veloci, soluto & expedito, ita nec somnus cum omnium munerum vacatione (huius rei testes & conscij sint somnambuli) vel perpetua; cumque nulla queat anima sufficere tot operibus, aut animal iuges inire vigilias, per quas vis spirituum ingens effunditur somnus recreator corporum, re-dintegrator virium, probator valetudinum, pacator operum, medicus laborum, cui legitime fruendo dies cedit, nox legem facit, inclinatis miserorum mortalium rebus, citus interueniat necesse est.

*Ergo somnus visceribus vigiliâ incundior.*



537

Proponebat Lutetiæ CAROLVS DE LAVAL Parisinus, A. R. S. H. M. DC. LIX.